

- 1. Ministarstvo za boračka pitanja Kantona Sarajevo**, ul. Reisa Dž. Čauševića br.1, Sarajevo, koga zastupa **ministar mr. Muharem Fišo** (u daljem tekstu: Ugovorni organ) i
- 2. Bosna Bank International d.d. Sarajevo**, ul. Trg djece Sarajeva bb, Sarajevo, koju zastupa **Direktor Banke Amer Bukvić** (u daljem tekstu: Dobavljač), dana 15.08.2017. godine u Sarajevu, zaključili su

U G O V O R

o pružanju usluga plasmana sredstava odobrenih za održivi povratak branitelja na predratno prebivalište u 2017. godini

Član 1.

Predmet ovog Ugovora je regulisanje međusobnih prava i obaveza ugovornih strana u pružanju usluga plasmana odobrenih novčanih bespovratnih sredstava iz Budžeta Kantona Sarajevo za održivi povratak na predratno prebivalište branitelja, ratnih vojnih invalida, porodica šehida i porodica poginulih, umrlih i nestalih branilaca Bosne i Hercegovine (u daljnjem tekstu: sredstva za održivi povratak), po direktnom sporazumu za pružanje usluga plasmana sredstava za održivi povratak u 2017.godini i ponudi Dobavljača broj: 032-5-4480-5/17 od 28.07.2017. godine, zaprimlje pod brojem 06-14-24970/17 dana 31.07.2017. godine.

Član 2.

Po ovom Ugovoru će se iz Budžeta Kantona Sarajevo za 2017. godinu za održivi povratak krajnjim korisnicima plasirati sredstva u iznosu do 60.000,00 KM.

Član 3.

Ugovorni organ će na osnovu objavljenog Javnog poziva primati i obraditi zahtjeve, te u skladu sa Uredbom o dodjeli sredstava za održivi povratak („Službene novine Kantona Sarajevo“, br. 17/03, 27/04 i 17/07) donijeti Odluke o dodjeli sredstava za održivi povratak.

Ugovorni organ će Odluke o dodjeli sredstava za održivi povratak dostaviti Dobavljaču.

Član 4.

Dobavljač se obavezuje da će po prijemu i na osnovu Odluka o dodjeli sredstava za održivi povratak za potrebe Ugovornog organa obaviti sljedeće usluge:

- a) zaključiti pojedinačne ugovore sa korisnicima odobrenih sredstava a u skladu sa odlukama Ugovornog organa;
- b) otvoriti pojedinačne transakcijske račune korisnicima odobrenih sredstava;
- c) plasirati odobrena sredstva krajnjim korisnicima najkasnije u roku od 90 dana od dana doznačavanja sredstava od strane Ugovornog organa;
- d) dodjeljena sredstva plasirati krajnjim korisnicima prema strukturi: najmanje 60% sredstava putem plaćanja računa ili faktura, odnosno kupoprodajnih ugovora za nabavku stalnih sredstava ili izgradnju i opremanje objekata namijenjenih za potrebe obavljanja određene djelatnosti, ili izvršene usluge, a najviše 40% sredstava u novcu na račun krajnjih korisnika sredstava za obrtna sredstva;
- e) voditi evidenciju o iskorištenim odobrenim sredstvima pojedinačno za svakog korisnika;

- f) po izvršenoj realizaciji odobrenih sredstava prema krajnjim korisnicima sredstava, dostaviti Ugovornom organu informaciju o realizaciji sredstava sa po jednim primjerkom svih pojedinačnih ugovora zaključenih sa krajnjim korisnicima odobrenih sredstava;
- g) raskidati ugovore sa krajnjim korisnikom odobrenih sredstava, a na osnovu odluke Ugovornog organa, pod uslovom da se utvrdi nenamjensko korištenje sredstava;
- h) voditi sudske sporove u svoje ime a za račun Ugovornog organa.

Član 5.

Ugovorni organ će nakon dostavljanja Odluke o dodjeli sredstava za održivi povratak izvršiti namjensku uplatu sredstava dodjeljenih krajnjim korisnicima, na račun Dobavljača.

Realizacija dodjeljenih sredstva za održivi povratak se mora završiti u roku od 60 dana od dana zaključenja svakog pojedinačnog ugovora sa krajnjim korisnikom.

Dobavljač se obavezuje da će doznačena novčana sredstva za održivi povratak koja u roku iz prethodnog stava ne budu plasirana krajnjim korisnicima vratiti na transakcijski račun trezora Kantona Sarajevo u roku od 90 dana od dana doznačavanja.

Član 6.

Ugovorni organ se obavezuje da će po ispostavljenoj fakturi na ime naknade za ugovorene usluge na račun Dobavljača doznačiti sredstva u iznosu:

- a) 50,00 KM jednokratno po svakom pojedinačnom zaključenom ugovoru sa krajnjim korisnicima sredstava za održivi povratak, te za otvaranje transakcijskih računa i plasman odobrenih sredstava krajnjim korisnicima (stavka 1. iz ponude);
- b) 50,00 KM jednokratno za vođenje evidencije o korisnicima odobrenih sredstava i dostavljanje izvještaja o realizaciji sredstava sa po jednim primjerkom pojedinačnih ugovora zaključenih sa krajnjim korisnicima sredstava (stavka 2. iz ponude);
- c) 20,00 KM jednokratno za raskidanje pojedinačnog ugovora sa krajnjim korisnikom, a na osnovu odluke Ugovornog organa, pod uslovom da se utvrdi nenamjensko korištenje sredstava (stavka 3. iz ponude).

Član 7.

Troškove vođenja eventualnih sudskih sporova sa krajnjim korisnicima u svoje ime i za račun Ugovornog organa, sudske takse i angažman eventualnih spoljnih saradnika, advokata i sl., radi postupka naplate putem nadležnog suda, snosit će Ugovorni organ na osnovu fakturisanih stvarnih troškova Dobavljača, akontativno do konačne naplate od krajnjeg korisnika, a koje će Dobavljač po naplati od krajnjeg korisnika (u slučaju uspjeha spora) vratiti Ugovornom organu.

Član 8.

Ovaj Ugovor stupa na snagu danom potpisivanja i na snazi je do njegove potpune realizacije.

Član 9.

Ukoliko se jedna ugovorna strana ne pridržava odredbi ovog Ugovora, druga ugovorna strana može jednostrano raskinuti ugovor.

Ugovor se smatra raskinutim po isteku roka od 30 dana od dana dostavljanja pismene obavjesti o raskidu Ugovora.


Član 10.

Sve sporove koji eventualno nastanu u izvršavanju ovog Ugovora ugovorne strane će prvenstveno rješavati sporazumno, a ako se sporazum ne može postići nadležan je sud u Sarajevu.

Član 11.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

DOBAVLJAČ:



Amer Bukvić, Direktor Banke

Broj: 032-05-4480-5/17 /17

Sarajevo, 15.08.2017. god.

UGOVORNI ORGAN :



mr. Muharem Fišo, ministar

Broj. 06-14-24970-1 /17

Sarajevo, 15.08.2017. god.